

BONERIANO®

EDITOR:
Bonaire Communication Services N.V.

Djaweps 29 sèptèmber 2022 | Preis: \$1.00

E YU PÈRDÍ TA BINI BÈK

Obra i arte desendientenan Flora Damascus



Fin di siman tabata un dia grandi pa desendientenan di Flora Damascus, momentu ku e famia a tene un dia di arte i obra di man produsí pa e famia mes. Riba foto por mira e famia kompleto durante e evento ku a hala hopi atenshon.

Polis no
ta hasi
nada

Página: 2



[www cityshopbonaire.com](http://www.cityshopbonaire.com)
[f](#) City Shop Bonaire
[wa](#) +599 700.6442
[te](#) +599 717.3666

City Shop
Smart shopping • Better living

NEW TILES!! VISIT
OUR SHOWROOM

#1
GARTISH
TEGELWERK BONAIRE N.V. *on the island!*

Kaya Bongo 8b | Tel/Fax: 717-8707
[f](#) gartishtegelwerk | Like our page to stay updated!

xerox™



MANTENE BO
VEHIKULO OF
EKIPO DEN
KONDISHON
KU PIESANAN
KUMPRÁ NA NAPA



Polis no ta hasi nada

KRALENDIJK – Empresario Ali Ozir ta hopi disgustá pa e akstitut di Kuerpo Polisial Karibe Hulandes, KPCN. El a akudí na redakshon di BONERIANO pa deshogá su mes despues di hopi intento sin por haña oido. Ta trata di dos kaso den kua el a hasi denuncia na Polis, pero en bes ku atendé ku e ladron, ta hasi denuncia kontra su persona.

Tereno na Belnem

Ozir a splika ku e tin un tereno na Belnem. Ocho aña pasá el a pone un kòntainer riba e tereno. No muchu tempu pasá el a hasi palabrashon un un tal John Tribhawansing, kende a duna su palabra ku e lo kumpra e tereno, pero te ku dia di awe esaki no a tuma lugá.

Loke sí a sosodé, segun Ozir, ta ku e posibel kumpradó a paga un hende pa kita e kòntainer for di riba e tereno. E posibel kumpradó a instruí esun ku a kita e kòntainer pa bisa Polis ku ta su persona a pidi'è pa

kita e kòntainer, loke komplementamente no ta bèrdat.

Ozir: "Nunka mi a pidi niun hende pa kita e kòntainer for di riba mi tereno, pero a bai tras di e posibel kumpradó ku a hasi denuncia kontra mi, siendo ainda e tereno i e kòntainer ta di mi persona." Pa straño ku por parse, Ozir ta sigui, Polis a tuma e denuncia na serio i a yega te asina leu ku a entamá un kaso penal kontra su persona i el a risibí sentensia. Pero den korte di apela-shon, el a keda deklará liber. Durante di tratamentu di e kaso den korte di apelashon, huesnan no por a komprondé di kon Ministerio Públiko a entamá un kaso kontra su persona, siendo te ta esun perhudiká, pasobra tabata un denuncia falsu.

Ladronisia

"Mi tabatin relashon ku un dama venezolano. Mi ta hende ku gusta yuda hende i esaki a resultá den mi desgrasia. Mi tabata yuda e dama i su yunan. Komo ku

e dama su papelnan no tabata na òrdu, e mester a sali for di Boneiru i bai Venezuela pa regla su papelnan," Ozir a bisa.

Entre 26 yùli i dos di ougùstùs, Ozir a bai ku fakansi. Na novèmber aña pasá el a kumpra outo pa su partner i a lanta un kompania i a invertí 20 mil dòler den ekipo di mobilario. Momentu ku el a regresá for di fakansi, e no a haña e dama na kas, pero sí tur su pertenensianan a dispersé. Ku prueba el a musta kon e dama tabata tapa e kámaranan instalá na su kas i tabata kibra nan, loke el a musta tambe na Polis. Ke men ta e dama a hòrta tur su pertenensianan i tambe a bai ku tur yabi di kas i outo.

Ozir: "Ku prueba den mi man i komo ku ainda mi tabata ku fakansi, mi a apoderá un amigu pa hasi denuncia na Polis, pero akí tampoko no a hasi nada ku e denuncia. Polis a bisa ku mi mes mester hasi denuncia personalmente, loke a sosodé tambe mesora ku mi

Djaweps 29 sèptèmber 2022



a yega for di fakansi."

Despues di un luna di no a tende nada mas di e denuncia, di akuerdo ku Ozir, el a bolbe akudí na Polis pa haña sa kon a para ku su denuncia, pero a bin tende ku ainda no a hasi nada, pero al kontrario e dama a hasi denuncia kontra dje pa violencia doméstiko, pero no tabatin nada andando te pa papia di violencia doméstiko. "Mi ta pensa ku Polis no a hasi nada ku mi denuncia. Despues di algun dia Ofisina di Ayudo na Víktima a yamá mi i bisá ku mi tin rason i a spliká mi ku e dama sa ku te a hòrta mi kosnan i a atmití esaki tambe."

Te ku dia di awe, segun Ozir, no a tende nada mas loke ta pon'è yega na e konklushon ku Polis ta protehá e ladron i Ofisina di Ayudo na Víktima tambe ta protehá e dama. Esaki ta un bèrgwensa total, kamin-da el a a sali perhudiká di denuncia kontra su persona siendo e ladron mes ta kana liber i ta haña protekshon.

Ozir: "Mi tambe ta paga

impuesto pa Polis hasi su trabou. Esaki no ta manera di traha, mi ke sa unda mi kosnan ta, ni e esfuerso ei Polis no ta hasi, siendo nan sa unda e pertenensianan ta. Niun hende no ta skuchá mi, di kon mi no por sa unda mi kosnan ta. Te asta mi kosnan di kas e dama a bai kuné. Tantu Polis komo Ofisina di Ayudo na Víktima ta protehá e ladron i no tende di ami ku ta víktima. Te asta un bestèk di plata di 15 mil dòler el a bia kuné."

Tur e lokenan a pasa akí, a kousa problema di salú i hopi strès pa Olzir. E mes-ter a risibí tratamentu pa problema di kurason i ta bibando un bida intrankil.

Di parti BONERIANO mester menshoná ku Olzir a musta e lista di e lokenan el a pèrdè i tambe imágen di kámara momentu ku e dama tabata hòrtando su pertenensianan, meskos tambe resultado i eksámen médiko kaminda e mester a risibí tratamentu. BONERIANO a pidi un reakshon di e deklarashon hasi pa Ozir, pero ainda no a risibí esaki.



Bo mester di ayudo pa paga kuent'í koriente òf Pagabon? Direktorado di Komunitat i Kuido por yuda bo pa kubri e gastunan akí.

Di djárasen 28 di sèptèmber te ku djamars 4 di òktober 2022, bo por hasi un petishon den bo mes bario.

Riba www.bonairegov.com bo por lesa tokante e kondishonnan i e dokumentonan ku bo mester entregá.

Amboina	Sentro di Bario	Djárasen 28 di sèptèmber	3PM-8PM
Antriòl	Plasa Chicu Goeloe	Djaweps 29 di sèptèmber	3PM-8PM
Amboina	Sentro di Bario	Djabièrnè 30 di sèptèmber	3PM-8PM
Playa	Jeugdhuis Jong Bonaire	Djasabra 1 di òktober	9AM-3PM
Nort'i Saliña	Sentro di bario	Djaluna 3 di òktober	3PM-8PM
Rincon	Cocari	Djamars 4 di òktober	3PM-8PM

Bo tin pregunta? Yama òf app 701 1055 òf mail koriente@bonairegov.com

Esaki ta un mensahe di Direktorado di Komunitat i Kuido

Consuelo Memorial

Kaya Maria C. Hellmund-Boom 11 • Bonaire • CN
T/F: (+599) 717 3243 (24h) • info@consuelomemorial.com

A bai drumi den brasa di Señor

Sra. Jacoba Felipa

Winklaar-Reina

*23-08-1934 +25-09-2022

na edad di 88 aña

yu di +Barcelio i Eva Reina



Su yunan:

Juny Lourens i señora

Vivian Reina na Hulanda

Su nietunan na Hulanda

Su rumannan:

Carmen Reina, yunan i nietunan

Virginia Damas, yunan i nietunan

Pascualita Reina, yunan i nietunan

Su kuñá: Salome Reina

Su subrinu(a)nan

Su kompader- i komernan

Su primu(a)nan:

Anna Silberie i rumannan

Shanine i Wete Muller

Carlos i Aquilles Angel i rumannan na Kòrsou

Adelina Piar i famia

Bebi Manuela i famia na Hulanda

Su kudadonan:

Filomena Winklaar, Franklin i Gisella Martis

Su kompañeronan di Kalor di Hogar i Villa Antonia

Demas famia:

Reina, Winklaar, Jansen, Silberie, Angel, Goeloe, Piar, Manuela, Balentin, Boekhoudt, Thielman, Dortalina, Staff i personal Kalor di Hogar.

Un gradisimentu na 'Kalor di Hogar' pa e kuido duná na e defuntu.

Entiero ta tuma lugá awe djaweps 29 di sèptèmber, saliendo for di Consuelo Memorial pa santana 'Nos Sosiego'. Promé ku entiero ta risibi bishita di kondolensia di 1'or pa 3'or na Consuelo Memorial, sigi pa un respons.

E YU PÈRDÍ TA BINI BÈK

KRALENDIJK – E yu pèrdí ta bini bèk. Su nòmber ta Walter Faneite, kariñosamente yamá Wòwò, un hòmbèr boneriano ku a bai Brazil ocho aña pasá i a keda pegá aya, pasobra el a pèrdè su papelnan ofisial, inkluso pasport. Si tur kos kana segun plan, na kuminsamentu di otro siman Walter ta pisa suela disu isla natal. Asina ta yega fin na un ‘odisea’ ku el a pasa aden na Brazil e último 8 aña. E lo konta mesora den e programa Aktualidat na Bonaire.tv kiko el a pasa aden.

Walter a nase na Boneiru. El a traha na Flamingo Beach Hotel. Despues el a bai biba na Hulanda, na unda durante un periodo di 4 pa 5 aña el a kompartí

bida ku Senaida Winklaar. Despues ku e relashon a kibra Walter a disidí di bandoná Hulanda pa bai Brazil huntu ku un amigu.

Bida nobo

Senaida Winklaar a konta den un programa spesial di ‘Aki Boneiru’ e siman aki: “Wòwò, manera nos ta yam’è, kier a kuminsá un bida nobo na Brazil. Na kuminsamentu ainda nos tabatin kontakto kuné, pero despues di tempu nos a pèrdè tur kontakto. Esaki a sosodé, segun nos a komprondé despues, pa motibu ku nan a hòrta tur su pertensianan. El resultá riba kaya na Brazil.”

Tantu Senaida Winklaar komo su prima Erna Cicilia, ku awor ámbos ta

biba na Boneiru, tin rekuerdonan plasentero di Walter Faneite di e tempu ku e tabata biba na Hulanda. Nan a deskribí Wòwò, kende awor tin 54 aña di edat, komo un persona amabel, kariñoso ku ta ekspresá su amor. E tin bon manera i sa bon kon atendé ku mucha. El a lucha duru pa kria su famia.

Erna Cicilia a agregá: “Siendo bibá na Hulanda tur wikènt mi tabata bai serka Senaida. Asina mi a sera hopi ku Walter. M’a konos’é komo un persona amabel, chistoso, semper pone bo hari. Un hòmbèr dediká na su kas, kla pa yuda, eksperto den trahamentu di sòpi.”

Senaida a konta ku Walter Faneite a pasa hopi kos



Entrevista ku Walter Faneite na Brazil ku un kanal di televishon.

den su bida. Na Boneiru el a kai den droga, pero el a logra sali.

Despues ku e relashon entre Senaida i Walter a kibra a resultá difisil pa Walter sobrebibi na Hulanda. E no por a haña trabou. Tabata na e momentu ei, 8 aña pasá, ku el a tuma desishon pa bai Brazil pa buska su porvenir den e pais ei huntu ku un amigu.

Senaida: “Sinku aña pasá nos a logra haña kontakto kuné. El a konta nos ku e no tabatin trabou mas, pero ainda su telefòn. Nos kier a bai Brazil serka dje, pero e gastunan tabata hopi haltu. Tres luna despues nos a bolbe pèrdè kontakto kuné. A resultá ku nan a hòrta tur su pertensianan.”

Na bida

Hopi hende a kere e último sinku añanan aki ku Walter no tabata na bida mas. Mientrastantu Senaida i Erna a bin biba bèk na Boneiru, nan isla natal. Ruman muhé di Walter, Miriam, kende a keda Hulanda, a sigui buska kontakto ku su ruman na Brazil, pero no tabata logra.

Miriam un dia a soña ku Walter tabata na bida ainda.

Senaida a haña un vishon den kua el a mira Walter drumí bou di un viadukto meimei di hopi karton. Tabatin mas hende drumí. Senaida, Erna i Miriam semper a keda papia di Walter. Erna tabata kombensí ku Walter ta na bida, pasobra e ta un persona ku un karakter i determinashon fuerte pa sobrebibi.

Polis

Un dia, aña pasá, Walter a aserká algun polis na Brazil i a konta nan di su situashon. El a splika ku el a pèrdè tur dokumento i ku e tabata pues ilegal na Brazil. Nan a kai na su pena i via facebook a logra bini den kontakto ku su ruman Uchi Faneite na Boneiru.

Walter a bira manera un selebridat ora ku un kanal di televishon a traha un reportahe di dje. E tabata gana su entrada pidiendo karton pa bende.

Polis di su parti a kuminsá intermediá pa Walter por a haña dokumentonan nobo pa asina e por sali for di e pais. A dura hopi, pero awor ta asina leu ku e lo biha pa Boneiru. Na kuminsamentu di otro siman ta spera su yegada na Boneiru.



Bòì Antoin, presentadó di ‘Aki Boneiru’, meimei di Senaida Winklaar i Erna Cicilia, ku tabata den un programa spesial pa papia di Walter Faneite.

Pelea pa kambio di klima

Boneiru wardando ketu bai riba Den Haag

KRALENDIJK – Kon ta protehá e tres munisipionan partikular den Karibe pa kambio di klima. Partidonan polítiko lokal ainda ta sperando riba un reashon for di Gabinete Hulandes. Esaki di akuerdo ku un publikashon di Caribisch Netwerk, skirbí pa Marit Severijnse i John Samson.

Minister Rob Jetten di klima i energia, a primintí rònt di verano pa bini ku un mapa di ruta pa e tres munisipionan karibense. Tweede Kamer ta eksigí pa na inisio di e aña akí Gabinete bini lihé ku un plan.

Pa loko ta trata partido di koalishon CDA, e tres munisipionan partikular den Karibe pa mas tardá 2035 mester ta drai riba 100 porshento di energia bèrdè. Diferente partido lokal ta pensa ku e plan akí ta alkansabel, nan ta bisa den kombersashon ku Caribisch Netwerk.

E partidonan lokal ta musta sí ku ainda tin speranza ku Gabinete Hulandes ta logra. Tambe Boneiru ta warda ainda riba un mapa di ruta di minister di klima Jetten i riba sèn pa hasi e isla duradero mas aleu.

Boneiru un tempu lider

“Den e region Karibense un tempu nos tabata te asta lider den energia duradero,” segun miembro di Konseho Insular di Frakshon Coffie, Daisy Coffie. Tabata, pasobra lástimamente ku e akshon dor di kresementu di e isla i konstrukshon di hotèlnan èkstra, ku pues un

demanda èkstra pa energia, lástimamente awor a baha.”

E proposishon pa na 2035 pa traspaso kompleto riba energia bèrdè keda realisá, Coffie ta haña ku netamente pasobra nos ta chikitu por hasi hopi mas lihé.

Dependiente

Boneiru ya a presentá un plan na Den Haag pa hasi elektrisidat riba e isla 70 porshento bèrdè. Te na komienso di e aña akí numa política Den Haag a disidí pa duna kontenido na e plan di Boneiru pa energia duradero.

“E kombustibel ku aktualmente nos ta usando, mester keda remplasá mas pronto posibel pa alternativa duradero pa produsí awa i elektrisidat,” Elvis Tjin Asjoe, lider polítiko di MPB ta bisa.

Tjin Asjoe ta mira kambio dor di e gabinete nobo. Promé ku nos alkansá 2035, nos ta drai ya pa hopi tempu riba produkshon di energia duradero, e ta pensa.

Kolegio Ehekutivountu ku gezaghebber Edison Rijna, anteriormente e aña akí a disidí pa instituí un mesa di klima na Boneiru. Ku esaki gobièrnu ke trese e impakto di kambio di klima den realidat.

Kana tras

Den Haag ta tene e munisipio partikular Boneiru atras, e partidonan polítiko ta haña. E kompensashonnan ta hopi mas abou ku loko e hendenan minimal-

mente mester pa por biba. Durabilidat ta e tantísimo ehèmpelnan.

“Mi ta haña hopi lamentabel ku Boneiru desde 2010 ya tabata parti di Hulanda i ku Den Haag nunca a enbolbí nos den su plannan pa durabilidat,” Coffie ta bisa.

Na Europa Hulandes nan ta hopi mas aleu ku durabilidat. Te aña pasá numa política Den Haag a mira ku mester hasi algu. Den Haag mester komprondé nos problema bon promé. No ta alkansabel pa na 2035 Boneiru drai kompletamente riba energia bèrdè, miembro di Konseho Insular di Demokrat, Clark Abraham, ta haña. Pero nos mester komprondé sí e orígen di e problemátiko di Boneiru.

Boneiru enbèrdat ta chikitu, pero e alkansabilidat ta grandi, Abraham ta splika. “Asumí ku kada aña nos haña un mion disponibel pa asina hendenan usa panel solar na nan kas. Pa e tempu ei nos ta 40 aña mas aleu. I awor nos ta papia solamente di panel solar,

pasobra e traspaso na por ehèmpel outo eléktriko ta kosta ainda mas tantu.”

Pa e dokumento di klima kompleto, nos mester pa penetrá den fondo, Tjin Asjoe ta haña. E ta algu ku nos mester aserká huntuku e gabinete hulandes i Union Europeo. Pasobra por ehèmpel kore eléktriko ta tambe un deseo europeo.

Pa loko ta trata partidonan di koalishon, D66 i CDA i partido di oposishon GroenLinks, e munisipionan partikular den Karibe te asta mester bira un modelo pa restu di mundu.

Mas investigashon

E partidonan lokal mes mester hasi mas, Coffie tambe ta haña. “Mi ta haña ku nos mester bai stipulá pa nos mes kiko nos vishon ta. Unda nos ke bai komo Boneiru i kon nos ke yega ei nan.” Pero política lokal por tuma tambe desishonnan difisil dor di falta di informashon konfiabel.

Kompará ku Europa Hulandes, aki na Boneiru nunca nos a laga hasi un in-

vestigashon científiko grandi na e impakto di kambio di klima riba nos. Coffie ta haña hopi lástima ku te ainda nos ni sa kiko ta spera nos.

Boneiru mester laga mas investigashon, Coffie ta haña. “Mi ke sa ki sorto di maneho nos por hasi pa por akomodá e kambionan, òf kon mester atendé ku e kambionan.”

Tené atras

Entre tantu a kuminsá ku diferente investigashon científiko pa e impakto di kambio di klima na Karibe Hulandes.

Esaki via di Islanders at the Helm, un kolektivo di científikonan karibense. Daphina Misie-djan por ehèmpel ta hasi investigashon riba ki impakto di kambio di klima tin riba desigualdat sosial i retraso.

Na diferente okashon Caribisch Netwerk a aserká UPB pa un reashon. Lider polítiko di e partido, James Kroon, manera semper no a reashoná e último simannan.

Aksidente frontal

KRALENDIJK -- Djasa-bra 24 di sèptèmber alrededor di 1’or di atardi, Sentral di Polis a risibí notifikashon tokante un aksidente entre dos outo ku a tuma lugá riba Bulevar Gobernador Debrot. E outonan a dal

frontal kontra otro despues di kua un di e outonan a bòltu riba su banda.

No tabatin herido i a duna shofùr di un di e outonan but pa manehá sin reibeweis bálido i sin prueba di seguro.



Programanan di Bonaire.tv

TELBO kanal 70

Flamingo TV kanal 23

Djaweps 29 sèptèmber 2022

12.00 Aktualidat:
13.00 Aki Boneiru:
14.00 Herensia:
15.00 BAPA:

Norbert Tadema
Dia di Tera Kora 2019
Jan Janga (Simadan)
Joaquin Vasquez

16.00 Herensia:
17.00 Aki Korsou:
18.00 Herensia:
19.00 BAPA:

Armida Evertsz-Felix
Richard Juan (Chati) Constancia
Grupo Flor Di Orkidia (Toka)
Marlon Bermudez

20.00 Herensia:

Marcel Caluto Janga i
Edna Margriet Janga-Sint Jago
Luc Alofs
Claire Marie Jeannette Nolen-Heitkönig
Milton Koeks

21.00 Aki Boneiru:
22.00 Herensia:
23.00 BAPA:

Tur mèrdia 12’or ta kuminsá un programashon nobo di 4 ora.
E programashon aki ta ripití pa 24:00.

SGB ta buska partner pa aktividat atraktivo i variá

KRALENDIJK -- En trante e aña eskolar akí, Komunitat di Skol Boneiru, SGB, den kolaborashon ku partnernan lokal i sektor empresarial, ta ofresé aktividatnan kurikular adishonal na e unidatnan VMBO, Liseo, Speciale Lesplaatsen (SLP) i MBO. Pensa riba aktividat deportivo, aktividat artístiko manera drama, baile i ekspreshon, aktividat empresarial i proyektonan ku ta toka un tema sosial.

Ofisina di aktividat di SGB ta regla organisashon i kordinashon di loke e komunitat di skol ta brinda. Pa harma e programa di aktividat akí, SGB ta en buska di partnernan sosial pa sigui amplia e oferta aktual, pa tur studiante por partisipá. Ta e intenshon pa

e proyektonan kontribuí na reforsá abilidadnan sosial di e studiantenan.

Proyektonan dirigí riba durabilidad tin preferensia. Lo skohe e proyektonan ku ta kumpli mihó ku esaki, ademá di ta konektá bon na persepsion i eksperensia di e grupo meta.

E programa nashonal di enseñansa ta hasi posibel pa e añanan ku ta bini, skolnan atendé retrasonan relashoná ku Covid. No ta trata solamente di retraso riba tereno di desaroyo kognitivo, pero tambe di desaroyo sosial emoshonal i bienestar di e studiantenan.

SGB ta haña importante pa no solamente tin bista pa kualifikashon, pero hustamente tambe pa inisiativanan ku ta kontribuí na promové kompetensianan

sosial di su studiantenan. Pues, no èkstra beilès so, sino tambe traha espasio pa aktividatnan ku ta engrandesé konfiansa propio i kapasidat pa yuda kurpa di e studiantenan.

Solamente empresa i organisashonnan inskribí na

Kámara di Komèrsio Boneiru, por entregá un petishon. Sí skohe e proyekto, e ora ei ademá ta obligá na presentá un deklarashon di bon kondukta. Sí e proyekto òf aktividat ta kumpli ku e deskripsion ariba, usa e siguiente konekshon pa

entreg'è na <https://forms.office.com/r/8Cem8XJjDz>. Último fecha pa entregá proposishon di proyekto, ta 14 di òktober. SGB ta spera reakshon ku mashá interes.

Pa pregunta, tuma kontakto na: activiteitenbureau@sgbonaire.com

Detenshon pa poseshon di arma

KRALENDIJK -- Djadumingu 25 di sèptèmber alredero di mitar di tres di atardi, Sentral di Polis a risibí notifikashon tokante un hòmer ku probablemente tabatin un arma di kandela den su poseshon.

Na momentu ku polis a yega na e sitio i a tuma nota di e sospechoso, e

sospechoso a pura drenta un estableimentu di kuminda situá riba Kaya Dr. Hernandez. Polis a sigui e sospechoso paden. A listra e sospechoso, pero no a enkontrá nada riba su persona. No opstante, polis por a mira riba imágen di video di seguridat di e estableimentu, ku promé ku a listra

e sospechoso, e tabata kana rònt na e parti di patras di e estableimentu. Despues di esaki, polis a realisá un búskeda kaminda a bin topa ku un arma di kandela. A detené un hòmer di inisial J.A.E. di 40 aña di edat en konekshon ku violashon di lei di arma di kandela BES.

Dentro di un aña

Di dos akreditashon BonLab

KRALENDIJK -- BonLab a logra su di dos akreditashon dentro di un aña, ISO 15189 laboratorio médiko i ISO 17025 pa laboratorio di awa di bebe.

Dia 17 di febrüari Bonaire Laboratorium N.V.

(BonLab), a risibí e grato notisia di Raad van Accreditatie (RvA) ku e laboratorio a logra su akreditashon internashonal pa laboratorio médiko, ISO 15189. Despues di shete luna, dia 20 di sèptèmber, BonLab

a logra su di dos akreditashon, awor pa laboratorio di awa, ISO 17025.

Boneiru por ta orguyoso ku BonLab ku su 53 aña di eksperensia riba investigashon di laboratorio médiko i awa di bebe, ku

komo antesor Landslaboratorium (1969), ADC-Bonaire (2000) i desde 2008 komo BonLab.

Komo laboratorio akreditá, BonLab ta ofresé servisio na e komunitat Boneriano, segun norma-

nan di kalidat internashonal. Investigashonnan ku BonLab mes no por hasi, ta manda pa otro laboratorio akreditá. Gerente ta felisitá tur trahadó ku e logro akí, kua sin nan esfuerso, esaki no tabata posibel.



Wèpsait nobo 'BonaireIsland.com'

KRALENDIJK -- Boneiru, un isla Karibe Hulandes, a lansa un wèpsait nobo pa mustra su merkadeo resien. Riba e wèpsait den un forma hopi bunita, biaheronan por haña tur informashon ku nan tin mes-ter pa plania nan próksimo bishita, for di eksperensianan gastronómiko te aktividatnan den aire liber.

E wèpsait ta kompletamente renobá, di manera ku bishitantenan for di henter mundu fásilmente por hasi uso di dje.

Banda di un nabegashon i organisashon mehorá, e página ta ofresé funshonnan di aksesibilidat nobo, entre otro un lesadó di skrin ADA-kompatibel pa hende ku limitashon visual òf auditivo. Pa nan siguiente biahe, bishitantenan di e wèpsait por ferwagt vários tep, guia pa estadia, blòg ku rekomendashon lokal i hopi mas.

E wèpsait ta kompletamente renobá tambe riba tereno di fotografia i tekstonan. E 'look' i e 'tone

of voice' nobo di Boneiru a keda realisá den koperashon ku e ofisina kreativo di nos isla, Dunn&Co. E ofisina akí a renobá e merkadeo i presensia di medianan di komunikashon di Boneiru via e kampaña 'It's In Our Nature', di manera ku nos isla a keda posishoná komo un destinashon kaluroso, kariñoso i bírgen.


E arkitektura úniko di e wèpsait, ta hasi posibel pa usuarioonan pa den un forma simpel, eksplorá e posibilidatnan di nos isla i plania

nan fakansi pa Boneiru, segun Miles Mercera, direktor di Tourism Corporation Bonaire (TCB). E diseño renobá i e elementonan visual, ta reflehá na un manera mas eksakto e bunitesa bírgen i e kultura outéntiko ku ta warda esnan ku ke eksperensia nos isla.

Pa medio di su esfuersonan riba tereno di preservashon di naturalesa, Boneiru ta destaká komo un sitio prominente pa pasa fakansi. Nos isla tin un

programa di sertifikashon Blue Destination ku ta pone sostenibilidat, desaroyo ekonómiko i kultura na promé lugá. Turistanan por anticipá sitionan di buseo práktikamente bírgen den laman kristalino, vários animal ku ta biba den naturalesa, kuminda ekskisito i bichnan remarkabel.

Eksplorá e wèpsait nobo i kuminsá ku planiamentu di bo siguiente aventura riba www.bonaireisland.com



BròKèS 93.5 FM

Tono Positivo, Ritmo Dibertido

STUDIO Telefon & WhatsApp
+599 701 0935

Maneho General;

Djòni Leoneta +599 786 9091

Maneho administrativo;

Ethel Leoneta +599 796 9133

email; 93.5boneiru@gmail.com



Skach'e



Radio BròKèS 93.5 Boneiru

BIENTU TA SUPLA UNDA KU E KIER

Tin dia ta hasi hopi kalor i ta basta kayente. Ma danki na e dushi bientu, ku ta refreská e aire i baha e kalor i kayente un poko. Tin biaha e ta supla duru i fuerte ma tin bes apénas bo ta tende su zonidu. Ma na mesun momento tambe bo por tende i sinti ora e ta supla duru i fuerte: kabei ta brua, blachinan ta bula bai, porta i bentana ta dal, asta nos ta puntra dikon bientu ta supla duru asina?

"Bientu ta supla unda ku e kier i bo ta tende su zonidu, ma bo no sa di unda e ta bin ni na unda e ta bai; asina ta tur esnan ku nase di e Spiritu." Juan 3:8(BS)

Tin dia kisas bo no tin smak di lesa Beibel, hasi orashon, kombersá ku un otro persona, bai sirbishi i asta ta puntra: "unda Dios ta?" Ma, sí bo a nase di e Spiritu ... No pèrdè ánimo, ma sigui perseverá! E Spiritu Santu di Dios no a bai ningun kaminda. E ta hasiendo Su trabou den silencio i tin biaha bo sa i otro biaha bo no sa mes. No limitá e poder di Spiritu Santu. Despues di hasi Su obra; fruta manera: amor, goso, pas, pasenshi, kariño, bondat, fieldat (Galationan 5:22) ta demostrá e resultado.

Manera e bientu ta supla unda ku e kier; igual e Spiritu Santu di Dios ta obra unda ku E kier, semper ku e meta pa duna fruta.

Laga e Spiritu Santu di Dios hasi Su obra unda ku E kier! Gilda Beukenboom-Sintjago

Produksjon PGM

Hulanda Karibense ta bira ménos dependiente di kombustibel fosil

Paso importante pa produkshon sostenibel di energia

KRALENDIJK – Ku e invershon di 33,6 mion euro pa un transishon aselerá pa elektrisidat sostenibel na Boneiru, St. Eustatius i Saba, aki un par di aña ta generá alrededor di 80 porshento di elektrisidat promedio riba e tres islanan ku energia di bientu i solo. Esei ta sòru pa preis mas abou i ménos dependensia di por ehèmpel petroli i konsiderabel ménos emishon di nitrógeno.

Energia di solo i bientu

Na Boneiru e produktor di elektrisidat Contour Global i e kompania di maneho, Bonaire Brandstof Terminals (BBT), sostené ku un supsidio, ta invertí den un parke solar i un parke di bientu. Ta bin tambe un bateria pa wanta e koriente i usa esaki na momentu ku tin ménos bientu. Ta finalisá e invershon akí na 2024/2025 i e ora ei ta generá 80 porshento di elektrisidat riba e isla ku fuentenan sostenibel. Esaki ta sòru pa preis di energia mas abou na Boneiru.

Na Saba a konstruí anteriormente dos parke solar. Saba ta investigá e posibilidat pa konstruí un kombinashon di un kampo di panel solar èkstra i un parke di bientu. Meta ta pa dentro di 2 aña generá riba un dia promedio 100 porshento di

e elektrisidat di forma sostenibel. Saba Electric e ora ei mester hasi uso di e generatornan fosil solamente ora no tin sufisiente solo òf bientu. Na St. Eustatius, Statia Utility Company ta ampliando e parke solar i e retenshon pa medio di bateria. Di e forma ei por generá alrededor di 60 porshento di elektrisidat di forma sostenibel na 2024. Ora dal e siguiente paso pa ekspandé, ta hasi esfuerso pa logra 80% di elektrisidat duradero.

Paso importante

Gabinete ta sigui traha ku Boneiru, Saba i St. Eu-

statius pa oumentá konservashon aun mas tantu i limitá e konsekuensianan negativo di kambio di klima. Minister Rob Jetten di klima i energia: “Mi ta sumamente kontentu ku huntu ku e gobièrnunan di Boneiru, Saba i St. Eustatius i e kompanianan di elektrisidat, nos por dal e paso importante akí pa logra produkshon sostenibel di elektrisidat. Di e forma akí nos ta sòru pa un bahada signifikativo di emishon di CO₂, Hulanda Karibense ta bira ménos dependiente di kombustibel fosil i asina ménos vulnerabel pa preis haltu di energia, manera ku ta bisto na e momentu-

nan akí. Ku esaki, Hulanda Karibense ta bira asina un modelo pa hasi otro islanan chikitu den region sostenibel.”

Sekretario di Estado, Alexandra van Huffelen di relashon di Reino, ta mira den esaki un adelanto importante pa Hulanda Karibense.

“Esaki ta yuda e hendenan riba e islanan, pa motibu ku nan suministro di koriente ta keda konfiabel i nan resibu pagabel. I esei ku muchu ménos, òf sin ningun emishon. Mi ta sumamente satisfecho ku Gabinete ta hasi esaki posibel.”

Diputado Thielman no ta kumpli ku promesa

No ta respetá reservashon barku krusero hasí kaba

KRALENDIJK -- Bonaire Cruise Tourism Association (BCTA) ta preokupá pa e desaroyo pa loko ta trata turismo krusero. E asosashon siman pasá a manda pregunta pa e diputado pa haña akklarashon, pero esaki no a duna resultado. E motibu di kon BCTA a manda puntra e diputado, ta paso-

bra tin rumor ku e promesa ku Thielman a hasi, manera por ehèmpel respetá e reservashonnan di barku krusero ku ya ta hasí kaba, ku esaki no ta bai ta e kaso. For di awor por mira kon kanselashon a kuminsá drenta for dnanan ku mester tin dos barku planiá. Ku esaki e diputado no ta kumpli ku

su deklarashon ku el a hasi. BCTA mas ku un siman pasá e manda mail pa diputado Thielman, punt-rando pa e konfirmá loke el a bisa den diferente enkuentro ku prensa tokante kambionan den e sektor di turismo krusero na Boneiru. BCTA ke mira e preguntanan lo mas pronto posibel

konfirmá òf kontestá dor di e diputado.

Mirando ku personanan i kompanianan den sektor di turismo krusero lo por benefisiá di e transparensia i klarifikashon pa asina por tuma desishonnan stratégiko. Pa un mihó transparensia i klarifikashon, ta bon pa prensa hasi diputado Thielman e mesun preguntanan ku BCTA a hasi mirando ku e no ta kontestando esakinan.

Den e karta ku BCTA a manda pa diputado Thielman, ta bini dilanti ku bista riba e komienso di temporada krusero 2022-2023 ku ya ta den porta, e asosashon ke a trese mas klaridat na su miembronan.

Manera ta konosí, e rutanan di barku krusero ta konosí hopi delantá. Esaki ta duna miembronan di BCTA e posibilidat a base di e informashonnan akí oportunitat pa tuma desis-

honnan stratégiko.

Ku esaki den mente, BCTA ke a haña kontesta di e diputado sí e por kompartí ku e asosashon e memoria di komprendementu ku a firma resientemente ku Royal, pa asina por informá i konsehá e miembronan tokante e contenido. Tambe sí por konfirmá ku e barkunan ku ya ta reservá kaba pa e temporada akí i dos barku riba un dia, ta keda respetá i por yega Boneiru.

BCTA ta skirbi: “Bo por konfirmá ku solamente reservashonnan nobo lo usa e sistema di un barku grandi i un barku chikitu di ménos ku 1000 pasahero pa dia. Bo por konfirmá ku reservashonnan nobo ku no por yega Boneiru pasobra ya tin un barku planiá kaba, por traha ku Aruba i Kòrsou na un solushon pa wak por ehèmpel un otro dia den siman ku sí e barku por yega.”

Jetten ta hinka 33,5 mion den energia bèrdè

KRALENDIJK – Ku un invershon di 3,6 mion euro, minister di asuntunan ekonómiko i klima, Rob Jetten, ke duna un impulso na e produkshon duradero di elektrisidat na Karibe Hulandes. Ku ponementu di un parke solar i binida di turbina di bientu e aña akí, Boneiru ta realisá otro

aña 80 porshento di energia bèrdè, awor 25 porshento.

E plaka ta bai pa Bonaire Brandstof Terminals (BBT), un kompania propio di e ministerio. BBT ta bai hür e parke solar i turbinanan di bientu na e produktor di elektrisidat Contour Global. Pa WEB, ku a duna inisio pa e paso

pa durabilidad, e ròl ta keda limitá te na distribushon.

Na Saba e akshon di energia duradero ta bai direkshon di 40 porshento pa 100 porshento. St. Eustatius ta bai di 38 porshento pa 60 porshento. Jetten ta pronostiká ku e invershonnan tin un efekto positivo riba e tarifanan.

E noufragio di Tilisa del Mar (2)

E kosta pariba di Boneiru, entre Willemstoren i e toren di Spelonk, atraves di siglonan tabata esenario di hopi noufragio di barku. Especialmente riba e kosta for di Willemstoren pa entrada di e bahia di Lac mas tantu barku a dal kibra. Esaki tabata motibu tambe ku a traha un faro na e punta sùitost di Boneiru, konosí tambe komo Lacre Punt òf Punta de la Ore. E barku Tilisa del Mar, un barku di e tipo “coaster”, a noufragá El a frusa i kaba na nada. Den un seri di dos artíkulo BONERIANO ta tira lus riba e suseso aki

Strañesa

Den e edishon di Extra fechá 14 di yùni 1983 por haña mas dato di e aksidente di Tilisa del Mar. E korant, despues di a hasi su investigashonnan, a bin topa ku diferente detaye straño relashoná ku e noufragio.

Pa straño ku por parse, te mitar di diesdos di mèrdia dia 13 di yùni polis no tabata na altura di e aksidente aki. Tabata un periodista di Extra, ku a haña informashon di e kaso aki for di un fuente, a yama polis pa pone nan na altura di e kaso, mirando ku no tabatin

polis na e sitio. Na momentu ku e reportero di Extra a yega na Willemstoren, el a bin ripará tambe ku e tripulantenan no a baha for di e barku Tilisa del Mar.

Djis despues ku e barku a pega riba kosta, e kapitan, Donald Williams, a trata na komuniká ku BOPEC pa yudansa. E tempu ei, den oranan di anochi, despues ku Havenkantoor sera atardi 5'or, e terminal di BOPEC tabata keda stanbai riba e kanal ofisial di Havenkantoor. Esaki ta mitar di ocho di mainta, ora ku Havenkantoor tabata okupá atrobe.

Suseso Inlubidabel©

E mardugá ei mes personal di warda na BOPEC a informá e lots prinsipal di Boneiru, Reginald Berénos, ku e barku a pega riba kosta. Berénos, kende tabatin e funshon tambe di Havenmeester, a kuminsá mesora ku su investigashonnan i a bai Willemstoren.

Promé intento

Mas lat mainta e toubot Chogogo di BOMAS, e sekshon marítimo di BOPEC, a bai direkshon di Willemstoren, na unda a trata tambe pa saka Tilisa del Mar, pero esaki sin éksito. Na dos okashon, momentu ku e toubot tabata realisando su maniobranan, e kabuya a kibra.

Despues ku e no a logra ranka Tilisa den Mar saka, kapitan di e toubot Chogogo a haña instruk-

shon pa regresá haf di Kralendijk, komo ku parti atardi e mester a bai duna asistensia pa saka un tènker ku tabata mará na terminal di BOPEC.

Ta bon pa apuntá ku e promé dia ei ku Tilisa del Mar tabata pegá riba kosta na altura di Willemstoren, ainda e barku tabata flota, anke pegá riba algun baranka. No tabatin masha daño ainda na kurpa di e barku i, si a sigui hasi mas esfuerso riba e dia ei, lo por a saka e barku for di su posishon sin masha difikultat.

Gastu

E problema sinembargo ku a surgi e dianan ei tabata e gastunan relashoná ku e trabou pa saka e barku. Komo ku tabata trata di un kaso di emergensia, e toubot Chogogo di BOMAS a hasi un promé intento, pero pa sigui hasi mas ehersisio, lo mester a yega na un areglo tokante pago di e gastunan embolbí. Asina mes un toubot di BOMAS a regresá un dia despues pa bolbe purba saka e barku, sin logra.



Masoménos kuater aña promé tambe un barku grandi a pega riba kosta boneriano na altura di Supladó, algun shen meter pa nort di boka di Lac. Ta trata di e barku Alisio, un barku hopi mas grandi ku Tilisa del Mar. E tempu ei, despues ku toubotnan di BOMAS no a logra saka e barku aki, e ekspertonan di Smit International si a logra, kontra pago naturalmente. Esaki a sosodé algun siman despues ku e noufragio ei a tuma lugá.



MONCHI & TONCHI

Tonchi, ban serio sí! kada bes kada bes ta ami mester start kombersashon entre nos.

Awèl sí. Pasobra redu di tur hende bo sa i sèmpèr bo tin kos di bisa di otro hende su bida.



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:
extrabon@gmail.com
Wèpsait:
www.extraboneiru.com

Direktor
Shirley Martis
785-3824
796-3824

Hefe di redakshon
Bòl Antoin
786-6818

Redakshon
Armand 'Papi' Antoin
Davienuska Janga
Velli Gijsbertha
Nathaly Evertsz
Edson Pietersz

Ibi Piar (deporte)

Partner na Aruba
Awe Mainta

Partner na Kòrsou
Extra

Layout
Davienuska Janga
Gairo Frans

Aviso
avisobon@gmail.com

Kompetensia di baile 'Taste of Bonaire'

'Taste of Bonaire' ta bai bira tremendo djabièrnè awor. E tres skolnan básiko, Kolegio Kristu Bon Wardadó, Kolegio Luis Beltran i Skol Amplio Papa Cornes, ta bai kompeti pa e kompetensia di baile folklórico relashoná ku e selebrashon di Luna di Turismo i e buki di turismo 'Mi Kultura mi Enkanto'



KOLEGIO SAN LUIS BERTRAN.

TA INVITA BO PA BIN PRESENSIA NOS DEN UN KOMPETENSIA DI BAILE

DJABIERNE AWOR NA TASTE OF BONAIRE

Nos muchanan di **KOLEGIO KRISTU BON WARDADOR** ta invitá un i tur pa bin apoyá nan na e kompetensia di baile folklórico

📍:Wilhelmina park (TASTE OF BONAIRE)
📅:Djabièrnè 30 di sèptèmber 2022
🕒: 19.00-20.00

Bini pa bo no pèrdi'è!!

Gastu di Reino pa Karibe Hulandes ta baha

KRALENDIJK – Gabinete ta spera ku durante sinku aña e gastu di Reino na Karibe Hulandes ta baha un 150 mion euro asina ménos, en bista di e aña akí. Esaki a sali na kla for di resultado di gastunan di Reino pa loke ta trata islanan BES ku Sekretario di

Estado di relashon di Reino a manda Tweede Kamer.

Na 2021 e ministerionan huntu a invertí kasi 560 mion euro pa Karibe Hulandes. E aña akí esaki lo ta algu ménos, 553 mion, pero na 2023 esaki lo baha di 483 mion pa 401 mion na 2027.

CDA ta pidi atenshon falta di pago

KRALENDIJK – E miembronan di Tweede Kamer, Joba van den Berg i Inge van Dijk, ámbos di CDA, pa medio di pregunta por eskrito, un biá mas di pidi atenshon di gobièrnu pa e falta i tráfiko di pago karu na Karibe Hulandes. Habitantenan di e mu-

nisipionan partikular, Boneiru, St. Eustatius i Saba i empresarionan, ta musta riba un servisio limitá di bankonan lokal ku ta mantén tambe tarifanan haltu.

Pa esaki na Den Haag ya pa hopi tempu ta papia, pero nunca a kondusí na mehorashon.

Sunshine Market B.V.
ta buska
- allround medewerker
Pa mas inf.
tel. 701-6505

Studiantenan a siña tokante pal'i mangel



Tabata un otro dia bunita pa STINAPA huntu ku studiantenan di Stichting Project. Durante seshon di mainta, nan a siña tokante pal'i mangel i lima, inkluso mikroskop i snòrkel na Cai. E studiantenan a mira hopi tipo di piská i i espesie di laman.



Selebrashon dia di Alzheimer



Dal kore bai

KRALENDIJK -- Djabièrnè 23 di sèptèmber alredero di mitar di ocho di mainta, polis a risibí notifikashon tokante un kaso di dal kore bai.

Dos outo tabata bèk pa sali for di un lugá di

stashoná na momentu ku nan a dal den otro. Shofùr di un di e outonan a sali for di su outo i insultá shofùr di e otro outo i despues a sigui kore.

E kaso ta bou di investigashon.

Selebrashon 40 aña ERA Outéntiko

KRALENDIJK -- Djamars atardi Vanessa Rudolf a invitá prensa na Coconut Center, kaminda ERA Outéntiko ta bai selebrá su 40 aniversario na Boneiru. Na e okashon Gerald Arrindell di Kòrsou, a bisa ku ta un honor pe ta na Boneiru pa papia tokante e fiesta.

“Bonerianonan por spe- ra un tremendo fiesta i di e manera aki nos ta uni e islanan atrobe. Nunka promé a sosodé algu asina aki. Pa promé biá ERA i Doble R ta na Boneiru, den un fiesta.

Nos ta trahando riba dje pa e bira e fiesta di djamanta,” Arrindell a bisa.

Di parti di Boi Thodé, el a bisa ta un honor pa haña e oportunidat pa selebrá e 40 aña di ERA Outéntiko na Boneiru. Mas ainda, pa kompartí ku e agrupashon musikal mas grandi di e área aki, isla kaminda e hendenan ta papia papiamentu. Kasi 50 aña di eksistensia di Doble Puru i 40 aña di ERA, nunka na Boneiru nan a toka huntu.

Un fiesta hopi grandi ta

bai tin 5 di novèmber. Ta bai tin 2 konstelashon di ERA. E Boneriano Tico Balentien, tambe ta presente. Maestro di seremonia ta na enkargo di Argenis Huerta, tambe ta bai tei DJ Fè di Boneiru. Gibi Doran di Doble Puru a bisa e ta kontentu ku Gereld i Vanessa

pa e invitashon. Promé biá Coconut Center ta bai bira e sitio pa e fiesta grandi akí. Boneiru kompletu i esnan di Kòrsou pa yega i selebrá ku ERA i Doble Puru. Vanessa Rudolf a bisa ku benta di karchi ta 40 dòler i momentu ku nan kaba, ta keda solamente karchi di

55 dòler. Esnan ku a kumpra karchi kaba, ta bai pone un fecha pa djis pasa kam- bia e karchi, sin gastu adi- shonal. E fiesta ta dia 5 di novèmber di 9’or di anochi pa 3’or di mardugá. Ta bai atendé tambe e konosido ‘vliegtuigje kom zo’, pa e dia di e fiesta.



Konferensia éksito di studiante



Universidat di Aruba ta organisá e konferensia di trabou éksito di estudio di studiante ku a inisiá djadumingu. Sekretario general di ministerio di enseñansa tambe ta presente huntu ku delegashon di Hulanda, Aruba, Kòrsou, St. Maarten, Boneiru, Statia i Saba.

Mucha ku wowo blou i marka welek riba kara

KRALENDIJK – Riba Internet hendenan no por kaba komprondé tokante un mucha afrikano ku markanan úniko di welek riba su kara. Su markanan úniko riba su kara a sòru ku e ta bai viral rònt mundu. I awor tur hende ta spekulá tokante e motibu di kon e tin un aparensia spesial.

Un di e motibunan di kon e mucha akí ta hala hopi atenshon, ta pasobra e tin wowo blou i marka di welek riba su kara. E marka di welek riba su kara tin un karakter spesial, pasobra ta parse hopi komo esaki ta kuminsá na su kabei. Asina parti di su kabei ta blanku i ta plama e koló mas aleu riba su kara.

Algun hende ta kere ku e mucha hòmer akí ta un angel. Un hòmer ku un kuenta di TikTok, a rekargá e video di e mucha. Segun deklarashon di e hòmer, e mucha ta prosedente di Hulanda. Bou di e video por lesa hopi reashon.

Un di e reashonnan: “E ta musta asina úniko. E mester por bira un aktor enorme. E ta resaltá bou di e masa.”


Malesa straño

Otro personanan ta konta ku e markanan úniko di e mucha ta a konsekuensia di un malesa straño. Asina un hende ta bisa: “Mi ta kere ku e tin ‘waardenbrugsyndroom.’” Esaki tin di aber ku un grupo di malesa

genético kaminda e kambio di koló ta originá den kabei, kueru i wowo di hende ku un malesa asina.

Un otro persona ku a mira e video ta reashoná ku un tono positivo: “E ta asina bunita. Mi ta keda pensa ku ta welek pa alkans’é.”

Loke tambe e por ta, ku e mucha afrikano akí en realidad tin markanan di kara impreshonante.



Aksidente entre bús i baikel

KRALENDIJK -- Den oranan di mainta djamars 27 di sèptèmber, un aksidente a tuma lugá entre un bús i un baikel riba Kaya Grandi.

E siklista a resultá heridá na su kabes kabes. Ambulans a transportá e siklista pa hospital pa tratamentu médiko.

Departamento di Tráfiko ta sigui ku e investigashon.



KOORYMAN

TOOL FEST
FOR YOUR ENTIRE PROJECT

7-9 OCTOBER

ARE YOU READY?

Spectacular discounts, amazing combo deals and a chance to win great prizes! Kooyman Tool Fest 2022 has more than just tools. Try and buy your favorite tools from the world's most well-known tool brands.

WWW.KOORYMANTOOLFEST.COM

Makita

DIAMONDBACK
WORK WEAR

WORX

KOORYMAN PAINT

Milwaukee

DuroMax
NEXT GENERATION POWER SYSTEMS

DEWALT

TOLEDO

fun miles

Yuda nos tene nos Boneiru limpi



www.extraboneiru.com

kooymanbv.com



THERE IS ALWAYS SOMETHING TO DO

Eksitoso ‘Bonaire Tourism Summit’

KRALENDIJK -- Dia 26 di sèptèmber Tourism Corporation Bonaire (TCB) a organisá su di dos ‘Bonaire Tourism Summit’ anual na Courtyard by Marriott. Durante e kumbre, TCB a konta tokante su vishon, akshonnan i strategia pa desaroyo turístiko ku un presentashon na enkargo di Miles Mercera, direktor di TCB.

TCB a presentá un bista general di e situashon aktual, e resultadonan i e planifikashon di Boneiru pa aña 2023. Tambe TCB a duna un bista adelantá di e prestashonnan pa wenter 2022/2023.

Mercera: “E rèspòns ku nos a risibí di e sektor públiko i privá di turismo, a inspirá mi. Den un intento pa sinkronisá nos strategia

pa aña 2023, e tipo di seshonnan akí ta yuda nos bini den kontakto ku nos partnernan di mas importante riba tereno di turismo. Desaroyo di turismo sostenibel ta un aporte di nos tur i TCB ta rekonosé e importansia di kompartí i risibí e rèspòns nesario pa alkanzá nos potensial turístiko.”

Diputado di Desaroyo Ekonómiko i Turismo, sr Hennyson Thielman, a yama tur presente bon biní i a pone énfasis riba importansia di dedikashon di henter e industria pa inklushon di nos komunidad. ‘Pa medio di tuma mas hende lokal den servisio pa sektor di turismo i alabes hisa e sueldo mínimo, ta alsa no solamente kalidat di bida di nos poblashon lokal, pero e ta kontribuí



tambe na loke nos bishitanan ta eksperensiá. Di nos banda nos ta bai invertí den formashon i treinen.’

Merkadeo

Durante e kumbre e agensia ofisial di TCB,

Dunn&Co di Tampa, Florida, a duna un bista general di e proseso di merkadeo di nos isla, di su reposishonamentu i desaroyo di identidat te e planifikashon di kampaña i medionan di komunikashon. Nan a revelá tambe e pensamentu tras di e wèpsait nobo di nos isla i e strategia di ‘digital-first social media’.

“Tabata un tremendo eksperensia pa yuda Boneiru den strukturashon di un plataforma nobo di komunikashon, pasobra e isla akí ta realmente lo mihó ora ta trata di eko-turismo,” segun Troy Dunn, presidente i direktor komersial di Dunn&Co. Nan outentisidat di marka ta reflehá su mes den tur loke nos ta hasi pa informá mundu tokante nan dedikashon na e ekilibrio importante entre naturalesa humano i mama naturalesa.

Strategia kulinario

Despues ku resientemente a anunsiá Boneiru su rekonosementu komo Kapital Kulinario di mundu, Erik Wolf, direktor i fundadó di World Food Travel Association, a papia tokante Boneiru su strategia kulinario pa futuro.

Stephanie de la Hera, kende ta representá Boneiru pa Diamond Public Relations, e ofisina di relashonnan públiko di Boneiru, a mustra un bista general di e esfuersonan ku durante

e aña akí nan a hasi te ku awor i di e resultadonan i tendensia pa aña 2023. Nan a pone énfasis tambe riba nos strategia di relashonnan públiko komo destinashon pa e lunanan binidero.

Perspektiva

E kumbre a yama bon biní tambe na Sander Langeveld, Liaison na Oropa pa TCB, kende a presentá un bista general di e prestashonnan di merkadeo na Oropa, Hulanda, Bèlgika i Alemania i a splika mas tokante e perspectiva riba término largu pa e merkado oropeo.

Maarten van der Scheer, direktor di Bonaire International Airport (BIA), a revelá djis un tiki tokante futuro di Aeropuerto Flamingo i e prioridatnan di mas importante.

Na final di e dia tabatin un ‘Tourism after 5 Cocktail Hour’ ku ENNIA a organisá pa klousurá ‘Bonaire Tourism Summit’.

Komo parti di ‘Bonaire Tourism Summit’, TCB ta organisá tambe un seminario spesial ku seshonnan interaktivo di evashon, kaminda mundu empresarial por partisipá i duna input pa inisiativanan di merkadeo pa Boneiru pa aña 2023.

TCB ke gradisí tur partner, manera BONHATA, BHG, BIA i Entidat Públiko Boneiru, ku a sostené i partisipá na e kumbre.

BONEIRU MESTER DI BO!


Fundashon Históriko Kultural Boneriano



ta buskando boluntario pa yuda salvagardiá nos patrimonio kultural-históriko tangibel i intangibel.

Trabou ku tin pa hasi:

- Selektá i archivá dokumento
- Digitalisá foto, oudio i imágen
- Ordená i registrá artefakto
- Identifiká persona, suseso, sitio etc. riba foto
- Hasi entrevista pa Herensia i programanan kultural
- I hopi mas trabou....



Tin trabou ku por hasi na kas tambe. Tuma kontakto ku FuHiKuBo na e-mail fuhikubo@gmail.com òf app (por yama tambe) na telefòn 795-0020.

Reservá tempu

Reservá tempu pa **HARI**, e ta e músika di alma.
 Reservá tempu pa **LESA**, e ta e base di sabiduria.
 Reservá tempu pa **PENSA**, e ta e fuente di poder.
 Reservá tempu pa **TRAHA**, e ta e preis di éksito.
 Reservá tempu pa **DIBERTÍ**, e ta e sekreto di hubentut eterno.
 Reservá tempu pa **SER AMIGU**, e ta e kaminda di felisidat.
 Reservá tempu pa **SOÑA**, e ta e medio pa haña bo ophetivonan.
 Reservá tempu pa **STIMA I SER STIMÁ**, e ta e privilegio di yunan di Dios.
 Reservá tempu pa **SER ÚTIL PA OTRONAN**, e bida aki ta demasiado kòrtiku pa nos ser egoista. Nos no ta pèrdè tempu den bida; loke ta pèrdè ta bida, ora e ta pèrdè tempu.

No confundí krus i krusifiho: konosé e diferensia

Francisco Vêneto

Ta importante ku e katóliko sea konsiente di loke nan ta simbolisá

Krus i krusifiho ta símbolonan kristian, pero nan no ta referí na e mesun konsepto.

Krusifiho

E palabra krusifiho ta bini di e frase latino “*cruci fixus*”, ku ta nifiká “*fiho na e krus*”. E ta referí na **Hesukristu klabá** na krus riba Kalvario.

Un krusifiho, pues, no ta únikaamente e krus so, sino e krus ku representashon di Kristu pegá na dje.

E ta **un símbolo ekstremadamente fuerte** di e altura di e sakrifisio di Hesus pa salbashon di humanidat. I no mester us’é di manera su-

perfisial i irresponsabel.

Karga un krusifiho ta **un rekuerto físico di e amor sin límite di Dios** pa nos, hasta e punto di brasa e Pas-hon mas doloroso pa reskatá nos.

E krusifiho ta un símbolo kristian asosí direktamente ku Iglesia katóliko, ya ku, den nan mayoria, **e denominashonnan protestant ta utilisá únikaamente e krus** na lugá di e krusifiho.

Hopi krusifiho katóliko tin e akronimo “**INRI**”, *ku den latin abreviá ta “Iesus Nazarenus Rex Iudaeorum”*, ke men, “Hesus Nazareno, Rei hudiunan”.

Krus

Krus a bira un símbolo universal di kristianismo. Pero den sentido estrikto e término ta referí únikaamente na e **instrumento, sin inkluí e representashon di e kurpa di Kristu klabá na dje**.

Komo instrumento, e krus ta nada ménos ku **un forma di tortura trágikamente usá pa e romanonan pa kastigá i ehikutá** esnan kondená.

Hesukristu a muri riba e krus den un sufrimentu insoportabel. Pues ta pesei, hopi denominashon protestante ta afirmá ku no mester usa e krusifiho komo símbolo di e fe kristian, ya ku Kristu a resusitá i ya no ta klabá na e krus.

Katóliko, mihó karga e krus òf e krusifiho?

En bèrdat katólikonan ta kere den **Resurekshon**; despues di tur kos, Skritura mes ta bisa ku si Kristu no a resusitá, nos fe ta vano.

Sin embargo, katólikonan tambe ta rekonosé ku Resurekshon ta e **korona riba e sakrifisio di Kristu riba e krus**, ku a salba nos di e piká i pues **nunka mester ser lubidá òf separá di e gloria di Resurekshon**.

Tantu e krus komo e krusifiho ta **símbolonan kristian ku perfektamente por ser utilisá pa katólikonan**.

Lo importante ta ku katólikonan ta konsiente di loke nan ta simbolisá i, prinsipalmente, di e unidat di e misterio di Salbashon: no tin Resurekshon sin krus, ni e krus tin sentido si e no ta den bista di Resurekshon.

Kiko ta nifiká e kontesta “I ku bo spiritu”?

Den misa, e saludo di e selebrante i e kontesta di e asamblea tin orígen bíbliko. Konosé su nifikashon mas profundo

Durante Misa, den e invokashon “Señor ta ku boso”, na kua ta kontestá “I ku bo spiritu”, na kua spiritu ta referí? Kua ta su nifikashon eksakto?

E “ku bo” ta referí na e saserdote ku ta presidí e selebrashon. E dos partinan di e diálogo akí ta paresé vários be den Misa: den e saludonan inicial i final, promé ku e Evangelio, na prinsipio di e liturgia eukarístiko.

Ta trata di un fórmula di saludo entre e selebrante i e asamblea. Asina e Instrukshon general di e Misal romano ta splika nifikashon di e saludo inicial:

“E saserdote ta anunsiá na e asamblea reuní e presensia di Señor. E saludo saserdotal i e kontesta di e pueblo ta manifestá e misterio di e Iglesia reuní”.

E ta bini di Beibel

Tantu e palabranan di e saserdote komo e kontesta di fielnan tin un **orígen bíbliko**.

Ku e saludo akí **Boaz**, antepasado di rei David, ta dirigí su mes na e kòrtadónan: “Señor sea ku boso!”. I nan ta kontest’é: “Señor bendishoná bo” (Rut 2,4). Ekspreshonnan paresido nos ta haña den Huesnan 6, 12, en 2Kro 15,2, Lukas 1,28 y 2Tes 3,16.

E kontesta “I ku bo spiritu” en kambio ta aparesé den e di dos karta na Timoteo: “Señor sea ku bo spiritu. Su grasía sea ku boso tur” (4,22). Pero e tei tambe den otro kartanan paulino: Gálatanan 6,18, Filipensenan 4,23; Filemón 25.

Aunke e Misal ta definí e diálogo akí komo un **saludo**, e ta na mesun tempu un **interpretashon**.

E saserdote ta anunsiá na e komunidat reuní pa selebrá Eukaristia ku Señor ta berdaderamente presente. Manera Hesus mes a primintí:

“Pasobra kaminda dos òf tres reuní den mi nòmber, Ami lo ta huntu ku nan”. *Mateo 18,20*

Dios presente

Den e kaso akí, e tradukshon mas presis di e fórmula latino “*Dominus vobiscum*”, ku no tin verbo, lo por ta: **Señor ta ku boso**”.

Ku tur esaki, e fórmula por ser komprendé tambe komo e deseo di ku Señor di bèrdat ta ku nos p’asina ku nos por risibí e don di su grasía.

En todo kaso, e ta ekspresá un gran bèrdat: **Kristu ta presente den e saserdote i den e asamblea i e komunidat ta uní den e mesun fe**.

Respekto na e kontesta “I ku bo spiritu”, nos por opservá ku e palabra “*spiritu*” ta referí na e dimenshon mas noble di un persona, na su banda mas íntimo, einan kaminda Spiritu Santu *ta presente ku su forsa*. Asina san Pablo ta skirbi na *Romanonan*:

“Pasobra e Spiritu ku Dios a duna boso no ta hasi boso katibu pa boso bolbe biba ku miedu. Nò, ta e Spiritu ku ta hasi boso yu adoptá di Dios; ta pa medio di djE nos ta sklama na Dios: ‘Abba, Tata!’ E mesun Spiritu ta konfirmá loke nos spiritu ta testiguá, esta ku nos ta yu di Dios. “. 8, 15-16

Laga nos nota tambe ku e kontesta akí ta **solèm**, muchu mas ku un simpel “i ku bo”. Asina ta suprayá e **dignidat i importansia di e saserdote** ku ta presidí e Eukaristia: Spiritu Santu ta presente den dje di moda spesial ku el a risibí den e sakramento di Órden.

E ekspreshon “I ku bo spiritu”, ku tambe por ser bisá komo kontesta den e momento di pas, ta ekspresá respèkt i benevolensha pa ku e oyente.

Finalmente e ta tambe un fórmula ku balor **ekuméniko**: e ta presente tambe den e liturgianan d Iglesianan òrtodòks i protèstant.

Teksto originalmente publiká den e revista italiano Credere

Invitashon/Uitnodiging SS di “Misa pa Senjor” Diadomingo 25 September 2022 Presidi pa; Pastor Paul Vlaar



Orario: 13:15 Kruisvinding Kerk

Animashon: Beukendaal 2

Voices of Praise 3075 LG Rotterdam

Salmo 146

Señor ta husga na fabor di oprimidonan.
Kende ta duna pan na esnan ku tin hamber.
SEÑOR ta pone e prezonan den libertat;

Refran: Señor ta reina pa semper

Contact Info: 06-14370462 / 06-33443554

STATIA/SABA/ST. MAARTEN

Apertura siman di salú i higiena

ST. MAARTEN – minister di salubridat públiko, asuntu sosial i em- pleo, Omar Ottley, a habri e siman di salú i higiena



na Sister Regina Primary School na Simpson Bay

. E siman di salú i higiena ta un evento anual na skol i ta un inisiativa di Parent Teacher Association (PTA), pa enfatisá riba e importansia pa un estilo di bida salú, personal i higiena dental.

E minister a asentuá

riba e importansia di salú oral, no kome muchu suku i laba man pa preveni malesa i tambe hiba un estilo di bida salú i hasi ehersisio.

Despues di esei e minister a kòrta sinta pa asina habri siman di salú i higiena.

Ecua Bon Construction B.V.

ta buska

1 schilder (pintor)

Pa mas inf. tel. **782-2903**

Polis èkstra ordinario

STATIA -- Hugo Rondei i Tirene Lopes a risibí e nombramentu komo polis èkstra ordinario den e direktorado di asuntunan ekonómiko, naturalesa i infrastruktura, ENI. Nan ta traha den e unidat di lisen- sia, supervishon i unidat di mantenshon di lei.

Rondei ta bai tin e responsabilidad pa inspekshon di edifisio i Lopes pa ekonomia i naturalesa.

Hefe di Kuerpo Polisial Karibe Hulandes, Jose Rosales, a presidí e seremonia den presensia di komisario di gobièrnu Alida Francis i otro ofisialnan.



Buelo inaugural Arajet

ST. MAARTEN – Minister interino di turismo, asuntunan ekonómiko i telekomunikashon, TE- ATT, Omar Ottley, djamars 27 di sèptèmber na Princess Juliana International Airport, a yama bon biní na e buelo inaugural di dos biá pa siman di Arajet entre Sto. Domingo i St. Maarten. Arajet ta bai tin dos buelo pa siman

entre Sto. Domingo i St. Maarten, riba djamars i djasabra. E kompania lo usa un Boeing 737 MAX-8 ku kapasidat di 195 asien- to. Arajet ta un atkisishon importante adishonal pa e funshon di hup pa oumentá St. Maarten su konektivi- dat den Karibe. Adisho- nalmente, henter e isla lo benefisiá ku desaroyo di e ruta akí. Mas turista lo

bini e isla i e hende di St. Maarten tin mas eskoho momentu ku nan ke bula pa Sto. Domingo, e minister a bisa. Nos ta yama Arajet bon biní i ta yama danki na e gerensia di e kompania pa pone konfiansa den nos isla. Nos ta mira dilanti pa un relashon mutuo na bene- fisio di ámbos ku e deseo pa mira mas buelo durante tempu, Ottley a konkluí



ARUBA

Na di 500 pashent cu ta caba su terapia di radiologia cu exito

Minister Xiomara Maduro na ceremonia di bati bel na IMSAN

ORANJESTAD -- Si man pasa Minister Maduro a presencia hunto demas coleganan minister, parlamentario y demas profesionalnan den cuidio medico, un ceremonia emotivo na IMSAN na unda sr. Richardson ta bati e bel como e di 500 pashent cu ta caba su tera-

pia di radiologia exitoso. E acto di bati bel sigur ta brinda e speranza di bida y ta señal di gratitud na tur cu ta haci e tratamiento aki posibel na Aruba.

E mandatario ta expresa palabra di pabien sr. Richardson, dr. Rajnherc y tur e profesionalnan di IMSAN cu ta haci e tratamentonan

aki posibel. Como tambe masha pabien y danki na colega Minister di Salud Publico sr. Dangui Oduber pa kere den IMSAN y traha duro pa logra e ampliacion di e instituto medico importante aki pa nos Pais cu nos pashentnan por ricibi nan terapia di radiologia na Aruba mes.



Gangnan tirando otro cu boter

ORANJESTAD -- Algun minuut prome cu 3'or di marduga diadomingo, manera cu ta birando un custumber caba, polisnan a wordo dirigi pa un pelea entre algun grupo den e stacionamento di e centro nocturno, Gusto.

E prome informe ya caba tabata muestra riba un confrontacion cu tiramento di boter pero ora cu polisnan a yega na e sitio, en berdad tabatin un grupo grandi di

persona riba e parkinglot pero no a ripara cu tabatin tiramento di boter.

Asina cu e hendenan a tuma nota di presencia di polis na e sitio, nan a cana bay den diferente direccion y mayoria a dreña auto y a bandona e sitio mientras cu ya caba polisnan a nota cu e establecimiento di Gusto tabata cera por completo.

Papiando despues c'un oficial di seguridad na e sitio el a declara cu un rato

prome en berdad un grupo grandi di persona tabata discutiendo cu otro y e ta muestra cu tabata trata di diferente gang caminda dos grupo di 20 pa 30 persona, a cuminsa tira otro cu boter y tambe a tira boter riba e negoshi. E patruya na e sitio a pidi refuerzo caminda personal di Flexteam a presenta na e sitio y a tene un control den e bisindario pero un rato despues e luga tabata totalmente bandona.

Den cera y habri di wowo a horta tas

ORANJESTAD -- Ciudadanonan mester ta mas consciente cu tin antisocialnan tur caminda, mirando y buscando un forma pa abusa di confiansa di otronan y esaki a sosode diadomingo net algo pasa di mey anochi.

Central a dirigi un patruya pa Paardenbaaistraat pa un caso di ladroncia caminda nan ta papia cu e señora di inicial M., kende ta declara cu hunto su es-

poso, nan tabata sacando cosnan cu nan a cumpra for di nan auto y hibando esakinan paden. El a declara cu dor cu nan tabata bezig haciendo esaki, nan a laga e portanan di auto sin lock y dado momento ora cu el a bay bek na e auto, el a ripara cu desconocinan a bay cu su tas y e no sa kende a haci esaki.

Polisnan a tuma su keho y a informa central di e caso aki.

ARUBA



Angel Gabriel Senra a fayece den accidente di trafico

ORANJESTAD -- Dia-mars anochi pa 7:30 central di polis ta wordo notifica di un accidente basta fuerte riba Watty Vos Blvd. Ta trata di un accidente entre un auto BYD numera A-26625 y un brommer numera MFA-2682.

Na yegada di patruya ta pidi pa un ambulance cu maximo urgencia mirando e situacion di e chauffeur di e brommer. Ambulance a yega na e sitio y a logra

re-anima e chauffeur di e brommer y transporte cu maximo urgencia pa hospital. Polis di trafico a presenta como tambe polis tecnico pa haci nan investigacion.

Pa 8:22 dr Daryanani ta constata morto di chauffeur di e brommer, Angel Gabriel Senra Chara, naci na Aruba 14 december 2002. (19 aña). Por a compronde cu e hoben a caba di sali di trabou.



Minister Xiomara Maduro presente na evento Experience the Netherlands 2

Companionan Hulandes a presenta nan producto y servicio

ORANJESTAD -- Recientemente riba invitacion di e Embahador di Reino Hulandes na Colombia, sr.

Ernst Noorman, Minister Xiomara Maduro tabata presente na e evento 'Experience the Netherlands

2 na Colombia. Durante e evento aki companianan Hulandes a presenta nan producto y servicio na e

comunidad mercantil di Colombia.

Tabata interesante pa mira e toke di inovacion cu tur compania a trece dilanti. Minister Maduro a haci uso di e oportunidad pa combersa un rato cu varios compania di Colombia cu

ya caba ta haci negoshi na Aruba. E mandatario a gradici nan pa e confiansa y a extende e invitacion pa mas compania explora e oportunidadnan cu 'Aruba, La Isla Feliz del Reino Holandes' ta ofrece pa haci negoshi.



Homber ta nenga oferta di polis y a keda deteni

ORANJESTAD -- Diadomingo marduga polisnan a wordo dirigi na altura di Hooiberg caminda nan ta bin topa dos tipo para banda di un motorcycle y tur dos tabata mustra bou influencia di alcohol. Un di e tiponan tabata drumi abou den santo y e otro para banda di dje y a trata aki di e homber di inicial R. kende su rosea tabata holi hopi na alcohol.

Den combersacion cu

e homber aki polisnan na varios ocasion a bis'e pa e busca un forma pa e haya lift pa su cas ya cu e no ta den estado pa maneha e aparato pero R. a nenga rotundamente di laga su brommer atras.

Ora cu polisnan a mira cu e ta determina pa subi e aparato y bay core cu esaki, nan a bay over na detene e persona aki y a hib'e warda di polis pa su propio proteccion y tambe di otronan.

Durante siman di Regata

Guardian Group komplementamente visibel riba laman

KRALENDIJK – Stimulashon di deporte akuátiko di yòn pa adulto na Boneiru, ta den bandera di Guardian Group. E kompania mas grandi di seguro di e área Karibense, sa kon importante deporte di bela ta na Boneiru. I tin hopi boluntario entusiasma riba e isla ku ke yuda chikitu i grandi pa praktiká nan deporte faborito, pero e ta tambe un echo ku tin falta di medionan finansiero pa praktiká deportenan spesífiko den e komunidad Boneriano.

Netamente p'esei Guardian Group a disidí pa bira e spònsor mayó di Sunfish di Bonaire Sail-

ing School Association (BSSA).

Spònsor mayó

Gustosamente nos ta invertí den kompra di material i lo usa e plaka di patrosinio pa e mantenshon nesario. Pero banda di esei, nos lo krea tambe espasio tambe pa deskubrí talento i desaroyo di BSSA, asina manager di merkadeo di Guardian Group pa Karibe Hulandes, Djamila Braaf, a splika.

“Nos ta mir’é komo un di nos tarea importante pa deporte, den e kaso spesífiko akí, pa stimulá chikitu i grandi na Boneiru i ofresé kaminda ta posibel nos

sosten,” Braaf a bisa.

Bela kolorido

Lo anunsiá e patrosinio prinsipal di Guardian Group festivo, kaminda tambe lo presentá e seis belanan di Sunfish ku logo prominente di Guardian Group. Tantu BSSA komo Guardian Group ta kontentu ku e koperashon spòrtif i tambe konstruktivo, a bira realisabel.

E material nobo ta bini perfekto pa e klup di bela i por dediká mas atenshon na e hopi talentonan di Boneiru riba e área riku di bela.

“Nos miembronan ta hopi aktivo,” asina presidente di BSSA, Ton Nui-

jten, ta bisa. Sí nan haña e oportunidat, por haña nan riba laman. Esaki ta nifiká tambe ku e belanan nobo di Guardian Group lo ta hopi biá visibel riba laman rönt Boneiru. Algu ku Guardian Group sigur lo apresia.

Kampionato mundial

E aña akí 14 pais a partisipá na e evento di bela na Gardameer na Italia. Durante e kampionato mundial, e 94 beleronan a kompetí kontra otro. E Boneriano Kabes Soliano a finalisá na di 38 lugá den e kompetensia.

“Nos ta hopi orguyoso riba e resultado final. Esaki naturalmente pa un isla



chikitu manera Boneiru, ta un bon prestashon i ta ofresé solamente mas perspektiva positivo pa futuro,” segun e tim di merkadeo i Ivonne Badloe di Guardian Group.

Klínika beisbòl di Simmons pa nos futuronan tabata un gran éksito

KRALENDIJK--E klínika di beisbòl di e pelotero di Liga grandi Andreton Simmons pa nos futuronan tabata un gran éksito djaluna último den oranan di tardi na Jossy Boekhoudt Ballpark na Tera Kòrá.

T'asina ku djaluna tardi i tambe djamars atardi na Jossy Boekhoudt Ballpark na Tera Kòrá Gobièrnu di Boneiru, Indebon, huntu ku Bonaire Wolf-Pack Foundation, a oranisá klínika di beisbòl pa muchanan entre 6 pa 15 aña ku Andreton

Simmons komplementamente gratis. Andreton Simmons ta un pelotero di Liga Grandi ku ta ku fakansi algun dia aki riba nos isla. A probechá di e oportunidat aki pa organisá klínikanan di beisbòl

pa nos muchanan, loke ku riba e promé dia djaluna atardi, sigur tabata un gran éksito. Tur dos dia, tantu djaluna komo tambe djamars, e klínika tabata di 5'or atardi pa 7'or anochi na Jossy Boekhoudt Ballpark.

Riba e promé dia djaluna, un gran kantidat di

mucha ku e deseo di siña hunga beisbòl na un nivel haltu, a asistí na e klínika di beisbòl aki.

Basta tabata tambe e mayornan, manera mester ta tambe, ku a asistí ku nan yunan na e klínika.

Diputado di deporte sr. James Kroon manera sèmper ta e kaso tambe na tipo

di okashonnan asina i ku no sa faya, tambe tabata presente pa apoyá e muchanan durante e klínika. Éksito na e muchanan ku a partisipá den e klínika djaluna i djamars último. Un danki tambe na tur e “coach”nan di kas mes ku a yuda durante e klínika e dos dianan ku tabata djaluna i djamars úl-

timo. Ta bon pa menshoná ku Simmons a yuda tambe e selekshon U14 ku djadumingu awó ta sali pa Aruba pa torneo internashonal di beisbòl. Un danki na Simmons pa tantu e klínikanan na nos futuronan, tambe pa yuda nos selekshon U14 di beisbòl promé ku nan biaha pa Aruba djadumingu awó.

Promé Torneo Bolas pa ekiponan

di sòftbòl

KRALENDIJK--E tim sòftbòl femenino New Angels, pa promé biá ta organisá torneo di Bolas.

E torneo ta tuma lugá dianan 20, 21, 22 i 23 di òktober 2022, esaki riba kanchanan di Gold Finch na Tera Kòrá.

Reglanan.

- E torneo aki ta pa ekiponan di sòftbòl maskulino i femenino.

- Inskripshon ta solamente \$20.

- Mester paga riba e promé dia di e torneo.

- Último dia pa inskribí ta djabièrnè 30 sèptèmber 2022.

- Pa inskripshon por tuma kontakto ku Mariónela Josephia na sel.

777 1800.

Éksito na e ekiponan ku lo partisipá den e torneo.

“Baseball 5” otro deporte nobo pa Boneiru

KRALENDIJK --“Baseball 5” otro deporte nobo pa Boneiru.

Djárason último 21 di sèptèmber 2022, un grupo di persona por a partisipá den e “Baseball 5 instructor training”.

“Baseball 5” ta un vershon kompakto i kòrtiku di e beisbòl tradishonal.

Den “baseball 5” bo por forma dos ekipo di 5 persona i lo dura 5 inen.

Pa lokual ta trata wante ku bate, esakinan lo no forma parti di “Baseball 5 Game”.

Bo ta bati i fangu e bala gewon kubo man.

E fèlt ta simplemente pintá ku kreit òf riba piòn,

pues tur loke bo mester ta un bala.

Un wega sùmamamente great pa stimulá i motivá tantu hóben komo hende grandi pa keda den moveshon pero tambe sùmamamente fun.

E wega aki ta un wega ku por implementá den tur vereniging, tur skol etc.

Boneiru mes tin 16 instruktor di BBS ku por sigui yuda I forma otro instruktornan.

E treinen aki a wòrdu duná dordi Michel Aussems di KNBSB.

Pa mas informashon tokante e wega aki por bishitá facebook page di “Nos ta bai kuminsá huntu”.

E instruktornan di “baseball 5” na Boneiru ta:

Yurell de Caster.

Juthmar Faneyte.

Roy Burleson.

Arys Ventura.

Elisabeth Josephia.

Sybren Rensenbrink.

Dyshemar de Palm.

Winston Gill.

Rolvin Hellburg.

Arelis Jops-Mercera.

Gianny Evertsz.

Eurlvin Trinidad.

Georgino “Pito” Saragoza.

Ghislaine Makaai.

Arvienna Vis.

Esakinan e lidernan deportivo ku a sigui e treinen pa “Baseball 5”.

Boneiru a haña pal'i awa



Kor di Kòrsou di sorpresa na Misa San Luis Beltran



Misa San Luis Beltran na Rincon a risibí un kor di Kòrsou ku a bin di sorpresa pa dediká kansionnan na Señor den misa. Tabata e kor Kanta ku mi Señor, ku tabatin un presentashon bunita. Parokianonan a yama e kor danki pa su presensia i e kansionnan bunita.

Situashon fèrfelu na Kaya Yambo

Habitante di Kaya Yambo ta sinti'é den peliger, komo ku ta konstruyendo kas i a saka tur e sushinan benta pabou di e kas. Ta trata di un seru grandi yen di tera i baranka grandi. E bisiña ta preokupá, pasobra ora ku áwaseru kai, e awa por hala e barankanan aki den su kurá. E ta pidi pa por fabor tuma medida.



Charmaine Alberto a selebrá su kumpleaño



Charmaine Alberto a kumpli un aña mas di bida e siman aki i pa e okashon aki-brasbènt The Boyz a zona den kurá di su kas. Tur presente a keda kontentu ku presentashon di e brasbènt i a balia gosa un momentu. Charmaine a kumpli 45 aña, awor rumbo pa topa ku Abraham. Riba potrèt algun persona ku tabata na e selebrashon, un aña mas di bida pa Charmaine Alberto.

NIKON
FITTIPALDI FOTOGRAFO
 BO REKUERDO MI RESPONSABILIDAT
 fittipaldietersz@hotmail.com
 Facebook: Fittipaldi Pietersz
 WhatsApp – C:(599) 7856412

BESCHIKKING

Bij beschikking van het Gerecht in Eerste Aanleg van Bonaire, Sint Eustatius en Saba, zittingsplaats Bonaire dd **28 september 2022 (BON202200224)** is onder curatele gesteld **Fanny Valentina WEBSTER**, geboren op 26 oktober 1930 te Aruba, met benoeming van **Shermine Erodita Emerenciana**, geboren op 6 oktober 1965 te Bonaire tot curator.

Tur loke ta payroll i HR den bo plant'i man!
www.payrollprohrm.com

GET IT ON Google Play Download on the App Store Payroll Pro



BACKPACK
BEACH CHAIR

\$89

HOT
price

PORTABLE
SPEAKER

\$175



WATER RESISTANT
PORTABLE SPEAKER

\$125



PORTABLE
HAMMOCK & STAND

\$125

Luna di
BONEIRU



City Shop

Smart shopping ▶ Better living



Kaya International #36



www.cityshopbonaire.com



City Shop Bonaire



+599 717.36.66



info@cityshopbonaire.com



+599 700.64.42